

Sacchari thomæ uncias octo,
Misceantur pulverifata, & fiat
cum fellis bovini & mellis anatico
pondere, & sufficienti quantitate
massa pro globulis formandis.

SUPPOSITORIA.

℞, Aloes hepaticæ unciam unam,
Salis communis drachmas sex,
Pulveris colocynthidos
Radici hellebori albi ana un-
cias duas,
Farinæ frumenti uncias octo,

Vitellorum de ovis numero
quatuor,
Misceantur pulverifata, & fiant
cum mellis crudi sufficienti quan-
titate suppositoria.

*Virtutes utriusque descriptionis ex
nomine patefunt.*

SUPPOSITORIA

Possunt etiam parari simplicia vel
ex melle inspissato, vel ex alumi-
ne, vel ex sevo cervino.



CLASSIS DECIMA SEPTIMA.

DE

UNGUENTIS.

UNGUENTUM ÆGYPTIACUM.

℞. Viridis aris libram unam,
Aceti fortis uncias sedecim,
Mellis libras duas uncias octo,
Coquantur, ut fiat unguentum
spissum.

*Saniem siccant, sordes detergit, car-
nem absunt, ulcera maligna & pu-
trida mundificat, in erosione gingiva-
rum scorbutica precipuus est usus.*



UNGUENTUM AGRIPPÆ.

℞. Radicis bryoniæ libras duas,
Cucumeris asinini libram
unam,
Squillæ libram semis,
Ireos uncias tres
Filiis
Ebuli

Tribulorum aquaticorum ana
uncias duas,
Ceræ albæ uncias quindecim,
Olei olivarum libras quatuor,
Radi-

Radices recentes mundatæ incisæ & contusæ macerentur per octiduum in vino, dein cum oleo coquantur ad humidi consumptionem, & exprimantur, in colato dissolvatur cera, ut fiat unguentum.

Ad suffusiones lymphaticas, tumores & nervorum contractiones, nephritidem, stranguriam, ventrisque dolores adhibetur.

UNGUENTUM ALABASTRINUM.

℞. Florum rosarum recentium libras duas, *℥ss*

Chamæmeli romani, uncias sedecim, *℥xvi*

Herbæ recentis rutæ hortensis
Betonicæ ana uncias octo, *℥viii*

Radicis althææ recentis uncias quatuor, *℥iiii*

Axungia porcinae libras octo, Contundantur, & ad humidi exhalationem coquantur, colentur, & colatura cum

Ceræ albæ libra una *℥ij*
Redigatur in unguentum, in fine addendo

Lapidis alabastri præparati libram unam. *℥ij*

In omnibus capitis doloribus optato successu adhibetur.

UNGUENTUM ALBUM SIMPLEX.

℞. Axungia porcinae libras duodecim,

Cerussæ venetæ prius in aceto destillato dissolutæ libras sex,

Fiat unâ vel alterâ ebullitione unguentum.

Ad ambusta scabiem & cutis pustulas, pruriginem, serpigines, & ulcera acia recommendatur.

UNGUENTUM ALBUM CAMPHORATUM.

℞. Unguenti albi simplicis libram unam,

Camphoræ unciam semis

Misceantur benè pro unguento.

Eadem cum priori, sed ob camphoram potentiores vires habet, putredini & inflammationibus resistendi.

UNGUENTUM DE ALTHÆA.

℞. Radicis althææ libras duas, Seminis lini

Fœnugræci ana libram unam,

Axungia porcinae libras duodecim,

Ceræ citrinæ libras duas, Terebinthinæ claræ libram semis,

Resinæ libram unam semis,

Radices & semina contusa macerentur in aquæ fontanæ sufficienti quantitate, tum coquantur ad viscosam mucilaginem, quæ exprimitur,

Hujus expressionis libras quatuor

Coquantur cum axungia, &
Radiciſ curcumæ contuſæ un-
cijs duabus,

Ad conſumptionem humidi in mu-
cilagine detenti, dein refina, cera,
& terebinthina liquata & colata ad-
miſceantur, ut paretur unguen-
tum.

*Emollit, calefacit, & humedat,
peſtoris laterumquæ doloribus medetur,
viſcerum durities, obſtructiones, ven-
trisquæ inflationes tollit, & affectibus
nervorum ſuccurrit.*

UNGUENTUM AD AMBUSTA.

℞. Olei liliorum alborum libram
unam,

Ceruffæ libram ſemis,

Coquantur ad diſſolutionem, dein
addantur

Pulveris boli albi unciæ qua-
tuor,

Olibani unciæ duæ,

Albuminum ovorum numero
ſex,

Et redigantur in unguentum.

UNGUENTUM AD AMBUSTA EX PULVERE PYRIO.

℞. Pulveris nitri crudi uncias qua-
tuor,

Vitrioli hungarici,

Aluminis crudi

Salis armoniaci

Camphoræ ana unciam unam,

Terebinthine claræ uncias
duas,

Aceti acerrimi uncias quatuor,

Olei lini puriſſimi

Mellis ana libram unam ſemis,

Coquantur omnia, lege artis, in un-
guentum.

*Vires utriuſquæ huius unguenti ab
inſcriptionibus deſumuntur.*

UNGUENTUM ANO- DINUM.

℞. Olei liliorum alborum libram
ſemis,

Anethi

Chamaemeli

Amygdalarum dulcium

Pinguedinis anatis

Gallinæ ana uncias duas,

Ceræ albæ libram ſemis,

Liqueſcat cera in oleis & pinguedi-
nibus, ut fiat unguentum.

*Cujus vires nomen impoſitum in-
digitat.*

UNGUENTUM APO- STOLORUM.

℞. Terebinthine claræ

Reſinæ

Ceræ citrinæ

Gummi ammoniaci præparati
ana uncias duas,

Radiciſ ariſtolochiæ longæ

Thuriſ electi

Gummi bdellii ana unciam
unam,

Galbani aceto præparati

Opopanacis aceto præ-
parati

Myrrhæ rubræ

Viridiſ æriſ ana unciam ſemis,

Lithargyrii drachmas decem,

Olei

Olei communis libras tres,
Oleum cum lithargyrio lento igne
coquatur sufficienter, dein admif-
ceantur cera & refina liquata & co-
lata, ab igne remotis, & non ni-
hil refrigeratis ammoniacum, gal-
banum, opopanax cum terebin-
thina soluta, tandem & reliqua
pulverifata immisceantur, ut fiat
unguentum.

*In vulneribus & ulceribus fistulo-
sis sordes exsiccat, & detergit, ex-
asam carnem restaurat, indurataque
emollit.*

UNGUENTUM DE ARTHANITA.

℞. Radicis cyclaminis recentis li-
bras tres,
Cucumeris asinini re-
centis
Butyri recentis ana libram
unam,
Olei irini libras duas,
Pulpæ colocynthidos uncias
quatuor,
Polypodii quercini libram
semis,

Contundenda contundantur, &
addendo

Fellis taurini unciam unam
Coquantur ad aquositate con-
sumptionem, colentur, & expri-
mantur, in colato dissolvantur

Ceræ citrinæ uncia quinque,
Tandem fermè refrigeratis succes-
sivè immisceatur sequens pulvis:

℞. Gummi euphorbii
Sagapeni

Scammonei

Aloes

Seminis mezerei

Turbith ana unciam unam,

Salis gemmæ unciam semis,

Myrrhæ rubræ

Piperis longi

Zinziberis

Florum chamæmeli ana drach-
mas tres,

Et ex his ritè permixtis fiat un-
guentum.

*Illitum hoc unguentum ventriculo
vomitum, illitum hypogastrio alvum
mover, hydropis serum evacuat, ver-
mesque necat & subducit.*

UNGUENTUM AD ATROPHIAM PARTIUM EXTERNARUM.

℞. Axungia humanæ uncias qua-
tuor,
Unguenti populei
Martiat ana uncias duas,
Olei spicæ
Philosophorum
Arcani aluminis ana unciam
semis,

Misceantur omnia, & redigantur
in unguentum.

*Virtutes ab ipsa nominis insignitio-
ne derivari possunt.*

UNGUENTUM AU- REUM.

℞. Ceræ citrinæ libram semis,
Olei olivarum libras duas semis,
Terebinthinæ claræ uncias
duas,

Colophonix
Resinæ ana unciam unam semis,
Thuris
Mastichis ana unciam unam,
Crocī austriaci drachmam
unam,

Cera cum resina & colophonia
liquata & colata oleo admiscean-
tur, tandem terebinthina & reli-
qui pulveres addantur.

*In vulneribus consolidandis aureum
præstat effectum.*

UNGUENTUM BASI- LICUM.

M. P.
℞. Cera Flavæ
Sevi arietini
Resinæ
Picis navalis
Terebinthinæ claræ ana libram
semis,

Olei libram unam,
Cera, sebum, resina & pix cum
oleo ad lenem ignem solvantur,
dein terebinthina addatur ad con-
ficiendum unguentum.

*Virtutes sunt digerentes, maturan-
tes, & suppurantes, si tumoribus & vul-
neribus adhibeatur.*

UNGUENTUM CA- LENDULÆ.

℞. Florum calendulæ recenter col-
lectorum libram unam,
Butyri recentis non saliti libras
duas,

Incisi flores cum butyro coquan-
tur ad justam consistentiam, ut
peractâ colaturâ, & forti expres-

sione unguento color flavus pro-
curetur.

*Aperit, discutit, tumores & ob-
structiones resolvit, flatuquæ dispellit.*

UNGUENTUM CAR- MINATIVUM.

℞. Florum sambuci
Chamæmeli
Herbæ absynthii
Menthæ
Rutæ
Abrotani
Anethi
Fœniculi ana recentiu-
um unciastres,
Axungia porcinae libras duo-
decim,

Incisa & contusa coquantur ad hu-
midi consumptionem, in colatura
& expressione dissolvantur

Cera citrinæ
Sevi cervini ana libra semis,
Olei laurini libra una,
Post refrigerationem addantur
Olei destillati carvi unciae duæ,
Anethi
Fœniculi
Cumini ana uncia
semis,

Ut fiat unguentum.

*Vires hujus unguenti ex ipso nomi-
ne colligi possunt.*

UNGUENTUM CLYS- MATICUM.

℞. Herbarum quinque emollien-
tium recentium ana
unciastres,
Radi-

Radicis liliorum alborum
Althææ ana uncias
quatuor,

Florum chamæmeli
Meliloti ana recentium
unciam unam semis,
Axungia porcinæ libras quin-
quæ,

Pistentur invicem, coquantur ad
humidi consumptionem, expri-
mantur, ut fiat unguentum.

*Adhibetur in clysteribus vel per se,
vel permixtum, lenit etenim, digerit,
induratas feces emollit, & tormina
sedat alvum blandè subducendo.*

UNGUENTUM COMI- TISSÆ.

℞. Baccarum myrtillorum
Glandium quercûs
Nucum cupressi
Corticum castanearum
Granatorum ana uncias
duas,

Herbæ equiseti
Bursæ pastoris
Hyperici
Pyrolæ ana unciam
unam,

Ex concisis & contusis fiat fortis
decoctio cum aquæ fontanæ suffi-
cienti quantitate, coletur, cola-
tura rursus coquatur cum

Olei olivarum libris tribus

Ad humidi consumptionem in fine
addendo

Ceræ citrinæ libram unam,

Denique immisceantur

Pulveris mastichis

Olibani

Sanguinis draconis

•Boli armenæ præparatæ

Gallarum turcicarum

Terræ vitrioli dulcis

Succi hypocistidis

Radicis tormentillæ

Bistortæ ana

uncia una,

Et inde unguentum paretur.

*Ad immodicum mensum & hæmor-
rroidum fluxum, item abortum præca-
vendum salubriter adhibetur.*

UNGUENTUM AD CRINES CRESCENDOS.

℞. Oculorum populi recentium
libram unam,
Olei nucum avellanarum ex-
pressi libras duas,
Cannabini expressi libram
semis,

Radicis bardanæ

Lapathi acuti ana re-
centis libram semis,

Favi mellis libram unam,

Coquantur ad humiditatis con-
sumptionem, tum coletur, & ad-
dantur

Ceræ citrinæ uncia quatuor,

Tandem etiam

Olei nucistæ expressi uncia duæ,

Axungia viperarum uncia tres,

Et inde paretur unguentum.

Cujus virtutes nomen indigita.

UNGUENTUM DEO-PILATIVUM. UNGUENTUM FELIX
WURZII PURPUREUM.

℞. Florum chamæmeli recentium
 uncias tres,

Corticis tamarisci

Herbæ recentis anethi

 Apii

 Fœniculi

 Ebuli

 Rutæ hertensis

 Menthæ crispæ

Radiceis bryoniæ ana unciâs
 duas,

Recentia incidantur, misceantur
& infundantur in

 Axungiæ porcinae libris sex,

Coquantur ad humiditatis con-
sumptionem, colentur, & expri-
mantur, & in colaturâ dissol-
vantur

 Axungiæ anserinae libra una,

 Cerae citrinae unciâ octo,

Ut fiat unguentum.

*Vires sunt resolventes, flatus dis-
cutientes, obstructions hepatis & lie-
nis, præcipuè in juvenulis tollentes.*

UNGUENTUM DIGE-
STIVUM, SIVE MATURA-
TIVUM.

℞. Terebinthinæ claræ libras duas,

 Olei hyperici libram semis,

 Vitellorum ovorum numero
 sex,

 Mastichis

 Myrrhæ rubræ

 Olibani ana unciam unam,

Misceantur in unguentum.

*In vulneribus materiam peccantem
degerit, & ad suppurationem promovet.*

℞. Herbæ scrophulariæ

 Chelidoniæ

 Veronicæ

 Polygoni ana unciâs tres,

Incisæ & contusæ stent in aceti op-
timi sufficienti quantitate infusæ
per aliquot dies, expressis dein &
colatis addantur

 Terræ vitrioli dulcis

 Phlegmatis vitrioli ana libra
 una,

 Mellis despumati libras tres,

 Viridis æris unciâ septem,

Coquantur ad justam consistenti-
am, ut fiat unguentum purpure-
um.

*In tumoribus, scrophulis, item ani-
mariscis attenuandæ, incidendo, & ab-
stergendo condu*

UNGUENTUM FUS-
CUM

℞. Cerae citrinae unciâs quatuor,

 Picis navalis

 Colophonæ

 Gummi sagapeni præparati ana
 unciâs duas,

 Galbani præparati

 Mastichis

 Thuris electi

 Terebinthinæ claræ ana unciâ
 unam

 Olei olivarum libram unam,

Cera cum pice liquata & colata o-
leo immisceatur, quibus semirefri-
geratis mastix & thus pulverisata,
tandem invicem liquata sagape-

num, galbanum & terebinthina addantur, ut fiat unguentum.

Ad vulnera mundificanda, emollienda, & pus concoquendum salubriter adhibetur.

UNGUENTUM AD HEMORRHOIDES.

℞. Amyli albissimi
Ceruffæ lotæ
Lithargyrii puri
Plumbi usti
Tragacanthi ana drachmas sex,
Opii thebaici
Camphoræ ana scrupulos quatuor,
Albuminum ovi numerô duo,
Mucilaginis seminis psyllii
Olei rosarum
Verbasci ana libram semis,
Ceræ citrinæ uncias tres,
Cera in oleo liquefiat, dein camphora & pulveres, ultimò albumina ovorum addantur, & conficiatur unguentum.

In doloribus & mariscis hæmorrhoidum utiliter adhibetur.

UNGUENTUM INFRI- GIDANS GALENI.

℞. Olei rosarum libram unam,
Ceræ albæ uncias tres,
Liquetur cera in oleo, addendo succi citri, quantum sub continua agitatione capere potest ad conficiendum unguentum.

In hætica ad humectandum, & renum doloribus à causa calida provenientibus optatum effectum præstat.

UNGUENTUM LINARIÆ.

℞. Herbaræ linariæ recentis cum floribus
Butyri non saliti ana libram unam,
Contundantur, coquantur ad humidam consumptionem, & exprimitur unguentum.

Hæmorrhoidum doloribus & inflammationibus demulcendo medetur.

UNGUENTUM DE LIQUIRITIA.

℞. Radicis liquiritiæ recentis & succulentæ libras duas,
Concisæ contundantur, & coquantur cum
Butyri recentis libris duabus,
Colentur, & exprimantur, colaturæ addantur
Pompholygos uncia semis,
Ceruffæ lotæ libra semis,
Albuminis ovorum conquesati uncia tres,
Camphoræ scrupuli quatuor,
Omnia ritè permiscendo fiat unguentum.

Ad partium inflammationes, & manantia à sero acri ulcera sperato successu adhibetur.

UNGUENTUM DE LITHARGYRIO.

℞. Olei rosarum libras duas,
Ceræ albæ libram semis,
Solvantur invicem, quibus fortis sub continua agitatione succes-

siuè addatur aceti lithargyrii saturatissimi, quantum capere potest, donec liquidiusculum unguentum efformetur.

In scabie, pruritu cutis, vulneribus, & desquamatione siccanda prodest, ulcera antiqua sanat, carnem amissam, ut epuloticum, restituit.

UNGUENTUM MAJORANÆ.

℞. Herbarum majoranæ recentis
Butyri non saliti ana libram unam,

Contundantur, & coquantur ad humidi consumptionem, tandem exprimantur, & addantur

Olei majoranæ destillati guttæ duodecim,

Et paretur inde unguentum.

Vires sunt præcipue in affectibus nervorum, & doloribus capitis, hinc ut errhinum conducit.

UNGUENTUM MARTIATUM.

℞. Foliorum lauri
Rutæ
Majoranæ
Rorismarini ana libram unam,
Spicæ nardi
Myrti
Salviæ
Ebuli
Menthæ crispæ
Basiliconis ana libram semis

Styracis calamitæ

Mastichis

Thuris ana uncias tres,
Olei olivarum libras sex,
Ceræ citrinæ libras duas,
Medullæ cervinæ libram unam,
Axungie ursi

Gallinæ ana libram semis,

Herbarum recentes in vini albi sufficienti quantitate macerentur per aliquot dies, dein lento igne coquantur cum oleo ad humidi consumptionem, colentur, & exprimantur, tum cera, medulla & axungie invicem liquata, tandem pulveres successivè inspergendo admisceantur, ut unguentum fiat.

Ad capitis, pectoris, stomachi, hepatis, lienis, aliorumque viscerum affectus, præcipuè obstructions à causa frigida ortas conducit emolliendo & resolvendo, cardialgiæ quoque & hydropi infantum opitulatur.

UNGUENTUM AD MEMBRA GELU PERUSTA.

℞. Pinguedinis cati sylvestris
Sevi cervini
Olei laurini
Ceræ citrinæ ana uncias duas,
Camphoræ unciam semis,

Diluatur camphora in Spiritûs vini rectificati uncia una,

Et reliquis invicem liquatis miscetur, ut unguentum fiat.

Vires ab ipso nomine colliguntur.

UNGUENTUM MEN-
DICORUM.

℞. Radicis morsûs diaboli recentis
Baccarum juniperi viridium ana
uncias quinque,

Summitatum urticæ urentis

Oculorum populi

Betulæ

Quercûs anâ recen-
tium uncias duas
semis,

Concisa & contusa misceantur, &
cum

Butyri non saliti libris duabus
semis

Coquantur ad justam consistenti-
am, pistillo semper agitando.

*In vulneribus recentibus, cutis ex-
ulcerationibus, & pulmonum ac pecto-
ris affectibus summè recommendatur.*

UNGUENTUM DE
MINIO.

℞. Olei rosati libram unam semis,
Minii uncias octo,
Tutiæ præparatæ unciam
unam,

Camphoræ unciam semis,

Ceræ citrinæ uncias quatuor,

Liquata cera cum oleo lento igne
misceatur cum reliquis ingredi-
entibus pro unguento.

*Humorum acrimoniam obtundit,
refrigerat, ac siccatur, hinc ad ulcera
cancrorum & erysipelatodes adhibe-
tur.*



UNGUENTUM NER-
VINUM.

℞. Baccarum juniperi viridium li-
bram semis,

Herbæ salviæ

Chamæpityos

Majoranæ

Rorismarini

Rutæ

Lavendulæ

Hyperici

Paralyseos

Anethi

Serpilli

Pulegii

Florum chamæmeli

Meliloti ana recentium
uncias tres,

Lumbricorum terrestrium li-
bram semis,

Concisa & contusa misceantur, &
irrorentur

Vini albi libris duabus,

Dein macerentur per triduum in

Axungia porcinæ libris sex,

Coquantur ad humidi consump-
tionem, & colentur, colaturæ
post fortem expressionem addan-
tur

Ceræ citrinæ uncia octo,

Axungia humanæ

Cati sylvestris

Caninæ

Vulpinæ

Olei laurini ana uncia tres,

Juniperi

Terebinthinæ ana uncia
una,

Benzoes uncia semis,

Ut fiat unguentum.

M m m 2

Affecti-

Affectibus nervorum frigidis, eorundemque spasmodicis contractionibus & doloribus medetur.

UNGUENTUM NICOTIANÆ.

℞. Foliorum nicotianæ recentium
Axungia porcina ana libras
duas,

Succi nicotianæ libram semis,
Contundatur herba, & cum axungia ac succo per noctem maceretur, manè fiat decoctio lento igne ad humidi absorptionem, dein colatura & expressio, in expressione liquecant

Resinæ
Cera citrinæ ana uncia tres,
Addendoque
Radici aristolochiæ rotundæ,
veræ in subtilissimum,
pollinem redactæ uncias
duas

Fiat unguentum.

Ad scrophulas dissipandas, ulcera & vulnera persananda, adusta, tineam capitis, & cutis scabiem mundificandam confert.

UNGUENTUM NIHILI.

℞. Nihili albi
Tutia præparata ana unciam
unam,
Coralliorum rubrorum præparatorum
Matris perlarum præparata ana
unciam semis
Camphoræ drachmam unam,

Axungia porcina mundata,
libram unam,
Misceantur in unguentum.

Oculorum inflammationes demulcet, rubedinem, defluxiones, indeque ortos dolores tollit.

UNGUENTUM PARALYTICUM.

℞. Unguenti nervini uncias tres,
Cera citrinæ uncias quatuor,
Olei laurini expressi uncias
duas,

Juniperi
Philosophorum
Succini ana drachmas
sex,

Lavendulæ
Anthos
Salviæ ana drachmam
unam,

Axungia castorei
Pulveris euphorbii ana unciam
semis,

Aluminis plumosi unciam
unam,

Misceantur, ut fiat unguentum.

Membra paralytica resocillat, inhaerentem nervis materiam digerit, in ischiatica affectione, & arthritide quoque conducit.

UNGUENTUM PECTORALE.

℞. Olei amygdalarum dulcium,
uncias quatuor,
Chamæmeli

Violarum ana uncias tres,
 Butyri recentis uncias sex,
 Adipis gallinæ
 Anatis ana uncias duas,
 Radicis ireos drachmas duas,
 Croci austriaci drachmam semis,
 Spermatis ceti unciam unam,

semis,
 Cerae albæ uncias tres,
 Lipientur in oleis cera, adipes, &
 sperma ceti, dein radix & crocus
 pulverifata immisceantur, ut fiat
 unguentum.

Laterum & thoracis affectibus medetur, tussim sedat, humores crassos digerit, & excreationem promovet.

UNGUENTUM PEDICULORUM.

℞. Seminis staphisagriæ
 Sabatiliæ ana uncias duas,
 Radicis hellebori albi unciam unam,
 Salis communis drachmas duas,
 Mercurii vivi uncias duas,
 Axungia porcinae libram unam semis,
 Olei laurini uncias novem,
 Spicæ unciam unam,
 Anisi drachmas duas,

Mercurius cum axungia tam diu agitetur, donec splendorem amittat, dein commixta invicem pulverifata cum reliquis redigantur in unguentum.

Vires ab ipso nomine facile colliguntur.

UNGUENTUM PLEURITICUM.

℞. Unguenti de althæa libram semis,
 Axungia muris montani uncias quatuor,

Cerae citrinae
 Olei lini ana uncias tres,
 Croci austriaci drachmas duas,
 Olei chamæmeli
 Cumini
 Cerae ana destillatorum drachmam unam,

Misceantur, ut fiat unguentum.

In dolore pleuritico sedando, & apostemmatibus resolvendis mira est efficacia.

UNGUENTUM POMATUM.

℞. Axungia porcinae recentis cum pomis citri & aurantiorum ana duobus, & pomis portorffensibus quatuor ad humiditatis consumptionem coctæ & colatæ libras tres,

Olei destillati benzoës
 Cinnamomi
 Styracis ana guttas decem,
 Caryophyllorum
 Ligni rhodii ana guttas viginti,

Misceantur, ut unguentum inde fiat.

Ad fissuras oris, & cutis decorem conciliandum adhibetur.

UNGUENTUM POPULEUM.

℞. Oculorum populi arboris recentium libram unam

femis,

Axungia porcinæ libras sex,

Oculi populi contundantur, & macerentur in axungia tam diu, donec sequentes herbæ per æstatem recentes colligi possint, scilicet:

Foliorum hyoscyami uncia sex,

Papaveris albi

Solani

Sempervivi majoris

Minoris

Lactucæ

Bardanæ

Violaria

Umbilici veneris

Cymarum rubi tenerrimarum ana uncia tres,

Herbæ contusæ misceantur oculis populi, & axungia, dein coquantur lento igne ad humiditatis consumptionem, colentur, & exprimantur, ut unguentum fiat.

Febrium ardoribus conducit, somnum conciliat, obstructionibus item juvenum referendis proficuum est.

UNGUENTUM AD RANULAM LINGUÆ.

℞. Pulveris viridis æris

Aluminis saccharati ana unciam unam,

Mellis despumati, quantum satis,

Fiat molle unguentum, vel potius linimentum.

Usus hujus linimenti repetitus ex ipsa denominatione declaratur.

UNGUENTUM RESUMPTIVUM.

℞. Seminis scœnugræci

Althææ

Lini ana unciam femis,

Gummi arabici

Tragacanthi ana drachmas duas,

Macerentur, & bulliant in aquæ fontanæ sufficienti quantitate, ut inde crassa mucilago eliciatur, & hæc colata cum

Butyri recentis

Medullæ vituli ana libra femis,

Adipis porcinæ

Gallinæ

Anseris

Anatis

Olei amygdalarum dulcium

Chamæmeli

Violarum ana unciis duabus,

Coquatur ad humiditatis consumptionem, in fine addendo

Ceræ albæ libram femis,

Sevi arietis unciam unam,

Et paretur inde unguentum.

In asthmate, hœtica, tabe, pleuride, & reconvalescentia à diuturnis morbis optato successu adhibetur.



UNGUENTUM ROSA- TUM MESUE.

℞. Florum rosarum rubrarum succo
citri imprægnatarum li-
bras duas,
Axungia porcinæ libras qua-
tuor,

Decoquantur invicem ad humidi
consumptionem, dein colentur,
& unguentum servetur usui.

*Ad exulcerationes serpentes, &
phlegmonas, renum ardores, hemor-
rhoidumquè inflammationes adhibetur.*

UNGUENTUM ROSA- TUM SIMPLEX.

℞. Axungia porcinæ libras duas,
Lavetur sæpissimè aquâ rosarum,
donec albissima & benè odora-
ta fuerit; possunt etiam pro libi-
tu in fine aliquot guttæ olei ligni
rhodii addi.

*Virtutibus cum precedenti conve-
nit.*

UNGUENTUM RU- BRUM POTABILE.

℞. Butyri recentis non saliti libras
sex,
Fibrarum rubiæ tinctorum
Radicis tormentillæ ana uncias
tres,

Bulliant invicem in vini rubri odo-
rati sufficienti quantitate ad ejus
consumptionem, colentur, & factâ
expressione addendo

Spermatis ceti uncias tres
Fiat unguentum.

*Ad concretum sanguinem resolven-
dum in contusionibus & aliis internis
vulneribus tam in, quàm extra adhi-
betur.*

UNGUENTUM SAN- TALINUM.

℞. Olei rosati libram unam,
Cera citrinæ uncias tres,
Pulveris florum papaveris erra-
tici
Rosarum rubra-
rum

Santali albi

Citrini ana unci-
am semis,

Rubri unciam
unam,

Camphoræ drachmas duas,
Misceantur, & fiat inde unguen-
tum.

*Affectionibus hepatis & lienis scir-
rhosis & induratis conducere solet.*

UNGUENTUM AD SCABIEM.

℞. Axungia porcinæ libras tres
semis,

Olei laurini libram semis,
Lithargyrii uncias novem,
Florum sulphuris simplicium
uncias quinque,

Salis nitri uncias duas,
Olei destillati benzoin drach-
mam unam semis,

Lithargyrio cum axungia soluto
reliqua admisceantur, ultimò ad-
dendo oleum benzoin, & sic fiat
unguentum.

Virtutes ex ipsa nominis inscriptione desumuntur.

UNGUENTUM SOMNIFERUM.

℞. Unguenti populei
Alabastrini
Olei nymphæ
Papaveris albi
Hyoscyami expressi ana
uncias duas semis,
Nucis moschatæ expressi
unciam semis,
Pulveris corticis mandragoræ
drachmas sex,
Croci austriaci scrupulos
quatuor,
Opii in aceto dissoluti drachmas tres,
Ceræ citrinæ uncias quatuor,
Ex invicem debite permixtis fiat unguentum.

Virtutes ejusdem nomen indigitat.

UNGUENTUM SPLENETICUM.

℞. Pulveris corticum capparum
Tamarisci
Herbæ ceterach
Seminis cumini ana
unciam unam,
Gummi ammoniaci
Bdellii ana aceto squillitico
solutorum unciam unam
semis,
Olei capparum
Chamæmeli
Anethi

Ceræ citrinæ ana uncias quatuor,

Misceantur in unguentum.

Virtutes sunt calefacientes, emollientes, resolventes, aperientes & simul confortantes.

UNGUENTUM STOMACHICUM ORDINARIUM.

℞. Herbæ absinthii
Menthæ
Majoranæ
Florum chamæmeli romani ana
recentium uncias
quatuor,

Coquantur in
Axungie porcine libris quatuor

Ad humidi consumptionem, deinceps colaturæ addatur

Pulveris caryophyllorum
Nucis moschatæ ana uncia
una,

Mastichis uncia una semis,

Et fiat unguentum.

UNGUENTUM STOMACHICUM PRETIOSUM.

℞. Olei mastichis
Menthæ
Cydoniorum ana uncias
octo,
Nucis moschatæ expressi
uncias duas,

Pulveris ligni aloes
Calami aromatici
Caryophyllorum
Macis ana unciam unam,
Balsa-

Balsami indici nigri unciam
semis,

Olei caryophyllorum scrupu-
los duos,

Anisi scrupulum unum,

Ceræ citrinæ uncias octo,

Ex permixtis, lege artis, fiat un-
guentum.

*Utrumquè hoc unguentum in ven-
tricoli debilitate, inappetentia, diar-
rhea, aliisque alvi profluviiis verè sto-
machicum est medicamentum.*

UNGUENTUM DE STYRACE.

℞. Styracis liquidæ

Olei nucum

Gummi elemi

Ceræ virginæ ana uncias tres
drachmas tres,

Colophonii uncias septem,

Misce, & fiat, lege artis, unguen-
tum.

*Vires in ulceribus scorbuticis mun-
dificandis deprehenduntur.*

UNGUENTUM DE TUTIA.

℞. Olei rosati

Ceræ albæ ana libram semis,

Succi solani unciam unam,

Cerussæ lotæ uncias duas,

Plumbi usti & loti

Tutix præparatæ ana unciam
unam,

Thuris unciam semis,

Cera cum oleo leni igne liquefat,
dein succus instilletur, tandem re-

liqua pulverisata admisceantur, ut
fiat unguentum.

*Vulnera sordida, tiliarumquè ulce-
ra sanat, erysipelatodes siccat, putri-
dasquè ac cancrasas oculorum exulce-
rationes mundificat.*

UNGUENTUM VER- BASCI.

℞. Florum verbasci recentium li-
bram unam semis,

Butyri recentis non saliti libras
duas,

Incisi flores cum butyro coquan-
tur, colentur, & exprimantur, ut
unguentum inde fiat.

*Ad tenesimum, & dolores præcipuè
hæmorrhoidales mitigandos & discuti-
endos bono successu, adhibetur.*

UNGUENTUM CON- TRA VERMES.

℞. Ceræ citrinæ uncias duas,

Olei absynthii

Amygdalarum amararum

Abrotani

Rutæ ana unciam unam,
semis,

Liquefiant invicem, dein addatur

Fellis taurini inspissati uncia una,

Pulveris aloes hepaticæ

Corallinæ

Seminis cinæ

Lupinorum

Colocynthidos

Herbæ tanaceti ana
drachma una,

Et paretur inde unguentum.

Umbilico & ventri inundum vermes necare, & per secessum expellere solet.

UNGUENTUM VIRI- DE REGINÆ.

℞. Herbæ chærefolii uncias tres,
 Salviæ
 Hederæ terrestris
 Scabiosæ
 Farfaræ
 Marrubii
 Betonicæ
 Scolopendrii
 Fœniculi
 Veronicæ
 Consolidæ majoris
 Saracenicæ
 Alchimillæ

Rutæ
 Millefolii
 Agrimoniz
 Plantaginis
 Urticæ
 Hyssopi
 Hyperici ana unciam,
 unam semis,

Limacum nigrorum
 Cancrorum fluviatilium ana
 numero quindecim,
 Butyri recentis libras decem,
 Coquantur ad humidi consump-
 tionem, colentur, & exprimantur,
 ut unguentum fiat.

*Et externè & internè ruptis, con-
 vulsis, ex alto delapsis, catarrhosis, ali-
 isquè pectoris affectibus laborantibus
 summe proficuum est.*

